

唐宋詩醕

御選唐宋詩醇卷之二十四

太原白居易詩六

江州赴忠州至江陵以來舟中示舍弟五十

韻

昔作咸秦客。常思江海行。今來仍盡室。此去又專
城。典午猶爲幸。分憂固是榮。簞簠州乘送。艤牒驛
船迎。共載皆妻子。同遊卽弟兄。寧辭浪迹遠。且貴
賞心并。雲展帆高挂。飈馳櫂迅征。泝流從漢浦。循
路轉荆衡。山逐時移色。江隨地改名。風光近東早。

水木向南清。夏日煙孤起。湘川雨半晴。日煎紅浪沸。月射白沙明。北渚寒留雁。南枝暖待鶯。駢朱桃露萼。點翠柳含萌。亥市魚鹽聚。神林鼓笛鳴。壺漿椒葉氣。歌曲竹枝聲。繫纜憐沙靜。垂綸愛岸平。水餐紅粒稻。野茹紫花菁。甌泛茶如乳。臺黏酒似餠。膾長抽錦縷。藕脆削瓊英。容易來千里。斯須進一程。未曾勞氣力。漸覺有心情。臥急添春睡。行遲帶酒醒。忽愁牽世網。便欲濯塵纓。早接文場戰。曾爭翰苑盟。掉頭稱俊造。翹足取公卿。且味隨時義。徒

輸報國誠眾排恩易失偏壓勢先傾虎尾憂危切
鴻毛性命輕燭蛾誰救護蠶繭自纏縈歛手辭雙
闕回眸望兩京長沙拋賈誼漳浦臥劉楨鷓鴣鳴
還歇蟾蜍破又盈年光同激箭鄉思極搖旌潦倒
親知笑衰羸舊識驚烏頭應感白魚尾爲勞賴劔
學將何用丹燒竟不成孤舟萍一葉雙鬢雪千莖
老見人情盡閒思物理精如湯探冷熱似博鬪輸
羸險路應須避迷塗莫共爭此心知止足何物要
經營玉向泥中潔松經雪後貞無妨隱朝市不必

謝。靈。運。但。在。前。非。悟。期。無。後。患。嬰。多。知。非。景。福。少。
語。是。元。亨。晦。卽。全。身。藥。明。爲。伐。性。兵。昏。上。隨。世。俗。
蠶。上。學。黎。甿。鳥。以。能。言。繆。龜。緣。入。夢。烹。知。之。一。何。
晚。猶。足。保。餘。生。

議論與敘事相閒而行才氣瀾翻潮湧一筆掃就

題岳陽樓

岳陽城下水漫上。獨上危樓凭曲闌。春岸綠時連
夢澤。夕波紅處近長安。猿攀樹立嘯何苦。雁點湖
飛渡亦難。此地唯堪畫圖障。華堂張與貴人看。

結語振竦洞庭之險更不待實寫

入峽次巴東

不知遠郡何時到。猶喜全家此去同。萬里王程三峽外。百年生計一舟中。巫山暮足靄花雨。隴水春多逆浪風。兩片紅旌數聲鼓。使君艤牒上巴東。量移涉險非樂境也。中兩聯寫舟行之苦。落句偏結得有氣色。

容齋隨筆曰：杜子美詩夜足靄沙雨，春多逆水風，樂天巫山隴水二句全用之。

名
齋暇日憶廬山草堂

郡齋暇日憶廬山草堂兼寄一林僧社三十

韻皆敘貶官以來出處之意

諫諍知無補。遷移分所當。不堪匡聖主。只合事空王。
龍象投新社。鵷鸞失故行。沈吟辭北闕。誘引向西方便。
住雙林寺。仍開一草堂。平治行道路。安置坐禪牀。
手版支爲枕。頭巾閣在牆。先生烏兒。易居士白衣。
裳。竟歲何曾悶。終身不擬忙。滅除殘夢想。換盡舊心腸。
世界多煩惱。形神久損傷。正從風鼓浪。轉作日銷霜。
吾道尋知止。君恩偶未忘。忽蒙頒

鳳。詔。兼。謝。剖。魚。章。蓮。靜。方。依。水。葵。枯。重。仰。陽。三。車。
猶。夕。會。五。馬。已。晨。裝。去。似。尋。前。世。來。如。別。故。鄉。眉。
低。出。鷺。嶺。腳。重。下。蛇。岡。漸。望。廬。山。遠。彌。愁。峽。路。長。
香。鑪。峯。隱。乚。巴。字。水。茫。茫。瓢。挂。留。庭。樹。經。收。在。屋。
梁。春。拋。紅。藥。圃。夏。憶。白。蓮。塘。唯。擬。捐。塵。事。將。何。答。
寵。光。有。期。追。永。遠。無。政。繼。龔。黃。南。國。秋。猶。熱。西。齋。
夜。慙。涼。閒。吟。四。句。偈。靜。對。一。鑪。香。身。老。同。邱。井。心。
空。是。道。場。覓。增。爲。去。伴。留。俸。作。歸。糧。爲。報。山。中。侶。
憑。看。竹。下。房。僧。應。歸。去。在。松。菊。莫。教。荒。

一路順敘熨帖中鍼綫細密宛轉幹旋無一毫痕
跡此種長律正不易得

陰雨

嵐霧今朝重江山此地深灘聲秋更急峽氣曉多
陰望闕雲遮眼思鄉雨滴心將何慰幽獨賴此北
窗琴

送蕭處士遊黔南

能文好飲老蕭郎身似浮雲鬢似霜生計拋來詩
是業家園忘卻酒爲鄉江從巴峽初成字猿過巫

陽始斷腸不醉黔中爭去得磨圍山月正蒼蒼
音節悲涼聞清歌應喚奈何也

竹枝詞四首

瞿塘峽口水煙低。白帝城頭月向西。唱到竹枝聲咽處。寒猿鬧鳥一時啼。

竹枝苦怨怨何人。夜靜山空歇又聞。蠻兒巴女齊聲唱。愁殺江樓病使君。

巴東船舫上巴西。波面風生雨腳齊。水蓼冷花紅簇。江籬濕葉碧淒淒。

江畔誰人唱竹枝。前聲斷咽後聲遲。怪來調苦緣
詞苦。多是通州司馬詩。

聲韻悠揚最合竹枝之體

唐汝詢曰冷煙斜月之景竹枝悲咽之聲卽寒
猿暗鳥尙不勝情況可使愁人聽之耶

巴水

城下巴江水。春來似麴塵。軟沙如渭曲。斜岸憶天
津。影蘸新黃柳。香浮小白蘋。臨流搔首坐。惆悵爲
何人。

別種東坡花樹兩絕

三年留滯在江城。草樹禽魚盡有情。何處殷勤重
回首。東坡桃李種新成。
花林好住莫顚顚。春至但知依舊春。樓上明年新
太守。不妨還是愛花人。
深情達語

別橋上竹

穿橋迸竹不依行。恐礙行人被損傷。我去自慚遺
愛少。不教君得似甘棠。

御選唐詩西
卷二
別橋上竹
太平樂詞閨怨

太平樂詞二首

歲豐仍節儉。時泰更銷兵。聖念長如此。何憂不太平。

和。湛露浮堯酒。薰風起舜歌。願同堯舜意。所樂在人

閨怨詞三首

錄二首

珠箔籠寒月。紗窗背曉燈。夜來巾上淚。一半是春冰。

關山征戍遠。閨閣別離難。苦戰應顛顛。寒衣不要。

竟

二詩意在言外有盛唐人遺意

長洲苑

春入長洲草又生。鷓鴣飛起少人行。年深不辨娃宮處。夜夜蘇臺空月明。

憶江柳

曾栽楊柳江南岸。一別江南兩度春。遙憶青青江岸上。不知攀折是何人。

一氣直下節促而意長

初除主客郎中知制誥與王十一李七元九
三舍人中書同宿話舊感懷

閒宵靜話喜還悲。聚散窮通不自知。已分雲泥行
異路。忽驚雞鶴宿同枝。紫垣舊署榮華地。白髮郎
官老醜時。莫怪不如君氣味。此中來校十年遲。

居易以元和十年貶江州司馬十五年冬自忠州
召還拜尚書司門員外郎轉主客郎中知制誥在
外凡六年矣撫今追昔無限感慨悲喜二字爲一
篇綱領第三句悲第四句喜第五句喜第六句悲

未二句喜中有悲其實悲之意多於喜深厚蘊藉
細玩自知居易非沾沾於祿位者故曰聚散窮通
不自知蓋其安命素矣

見于給事暇日上直寄南省諸郎官詩因以
戲贈

倚作天仙弄地仙。誇張一日抵千年。黃麻敕勝長
生錄。白紵詞嫌內景篇。雲彩誤居青瑣地。風流合
在紫微天。東曹漸去西垣近。鶴駕無妨更著鞭。

蔡寬夫詩話曰。唐制諫議大夫。班給事中。上中

書舍人班又次之。然自外入爲諫議者歲滿始遷給事中。歲滿始遷舍人。蓋以下爲進。故有上坡下坡之說。樂天贈于給事詩。雲彩誤居青瑣地。四句雖以爲戲。亦當時實事也。

西省北院新構小亭。種竹開窗。東通騎省。與李常侍隔窗小飲。因題四韻。

結託白鬚伴。因依青竹叢。題詩新壁上。過酒小窗中。深院晚無日。虛檐涼有風。金貂醉弄。回首紫垣東。